

安隱天及人如是爲說法未至竟盡未至竟
無垢未至竟梵行未至竟行梵行彼故未脫
生老病死憂感不樂我說未脫苦此居士今
如來出世間無所著等正覺明行成爲善逝
世間解無上士道法御天人師佛世尊今自
爲故爲他故爲多人故愍世間故以義以樂
安隱天及人我今爲說法至竟盡至竟無垢
至竟梵行至竟行梵行今以得脫生老病死
憂感不樂苦我說已離苦佛如是說居士須
達聞世尊所說歡喜而樂

佛說須達經

佛爲黃竹園老婆羅門說學經

失譯人名今附宋錄

聞如是一時婆伽婆在鞞蘭若黃竹園彼時
鞞蘭若婆羅門年老者宿命趣後世生年百
二十手執杖中食後行彷徨而行至世尊所

到已共世尊面相慰勞世尊面相慰勞已拄杖世尊前立鞞蘭若却住一面已白世尊曰此瞿曇我聞沙門瞿曇年幼學亦初謂有大沙門婆羅門彼來到亦不隨時恭敬亦不從座起而不請坐此瞿曇我不然可汝此婆羅門我亦不見天及世間魔梵沙門婆羅門衆天及人令如來恭敬從座起而請者此婆羅門謂如來若恭敬從座起者彼人頭破爲七分此沙門瞿曇但懈怠慢此婆羅門有方便我可有慢不如汝所說此婆羅門有色之味

聲之味香之味細滑之味是如來已盡已知斷除根本當來恐怖不復生法此婆羅門有是方便令我有慢不如汝所說沙門瞿曇無有恐怖此婆羅門復有方便令我無有恐怖不如汝所說謂婆羅門諸有色恐怖聲恐怖香恐怖味恐怖善五細滑恐怖彼如來已盡已知斷除根本當來恐怖不復生此婆羅門有是方便令我無有恐怖不如汝所說此沙門瞿曇不復入胎此婆羅門有方便令我不入胎不如汝所說此婆羅門諸有沙門婆羅門當

還於有入於胎我已盡已知斷除根本當來
恐怖不復生我說不入胎此婆羅門如來無
所著等正覺不復還有入於胎已盡已知斷
除根本當來恐怖不復生我不入胎此婆羅
門有是方便令我不入胎不如汝所說復次
婆羅門我者於世皆有愚癡樂於愚癡爲愚
癡所纏裹我初分別法我於衆生最在前說
猶若婆羅門有鷄產或十或二十卵以時隨
時在上伏以時隨時伏以時隨時轉側謂彼
鷄有所行彼在卵中以觜以足破卵已安隱

自出是彼初之行如是婆羅門爲愚癡所纏
裹以愚癡爲陰覆我初分別法我於衆生最
上說此婆羅門手抱草至道場樹下到已於
道場樹下以草敷之依敷尼師壇結跏趺坐
要不破坐至成有漏盡此婆羅門我不壞坐
至有漏盡此婆羅門於姪解脫七於諸惡不善
法得解脫自覺自行得愛喜於初禪正受住
此婆羅門我於彼時得初思惟見法安樂住
有樂行不不安隱住乘於涅槃此婆羅門息
自覺自行內有信樂意應一心無覺無行得

定歡喜於二禪正受住此婆羅門於彼時得
二思惟見法安樂住樂行不失安隱住乘於
涅槃此婆羅門愛喜無染作於護意念等知
身得安樂謂聖所觀所護念安樂住於三禪
正受作此婆羅門我於彼時得三思惟見法
安樂住樂行不失安樂住乘於涅槃此婆羅
門止樂止苦棄前歡喜愛滅無苦無樂護意
清淨於四禪正受住此婆羅門我於彼時得
四思惟見汝安樂住樂行不失安樂住乘於
涅槃此婆羅門以此三昧意清淨白無有結

除諸結柔夷行常住不變異念宿命智為證
以自御意此婆羅門有行有說念無量宿所
受若一生二生百生千生若一劫半劫無量
諸劫彼衆生字是姓是食如是苦樂如是命
長短此間終生彼間彼間終生此間在此間
字是姓是食如是食命如是長短此婆羅門
我於彼時於夜半得初聖明本無放逸行令
為定行謂無智滅智得生闇冥除明得生無
明盡明得成謂念宿命明智為證此婆羅門
以三昧意清淨白無有結除諸結柔夷行常

住無變異得天眼智爲證以自御意此婆羅門我以天眼見清淨出過於人衆生生者終者有^善好有惡有妙有醜生善處惡處隨衆生所作行我知如真此衆生與身惡行俱口惡行俱意惡行俱聖所不美邪見與邪見俱彼因彼緣彼身壞死時生惡趣泥犁中有衆生身與善俱口善行意善行信有善行等見與等行俱彼因彼緣彼身壞死時生善處天上此婆羅門我於彼時於夜過半得二明本無放逸行今得定行謂棄無智得於智闇得除

明得成無明盡得有明謂得天眼明智爲證此婆羅門我以此三昧意清淨白無有結除諸結柔耍行常住無變異有漏盡智爲證明以自御意此婆羅門有此苦知如真苦集苦盡苦盡住處知如真此有漏有漏集有漏盡有漏盡住處知如真彼知彼見漏有漏意解脫有漏有癡有漏意解脫解脫已得解脫智生已盡梵行已成所作已辦名色已有知如真此婆羅門我於彼時夜欲曉得於三明本無放逸行今得定行無智盡得有智無明盡

得有明謂有漏盡智為證得明此婆羅門謂
有等說而說無愚癡人生世間於衆生數得
離苦樂此婆羅門有說我等而說何以故此
婆羅門我非愚癡人出於世於此世間最為
妙無有苦樂於是鞞蘭若婆羅門放杖著地
頭面禮世尊足在世尊前讚世尊世尊為最
世尊為妙世尊為最妙世尊無與等無有與
世尊等者世尊無有患世尊於人亦無恙此
世尊我今自歸法及比丘僧惟世尊我今持
優婆塞從今日始盡命離於殺今日歸佛如

是說鞞蘭若婆羅門聞世尊所說歡喜而樂

佛為黃竹園老婆羅門說學經

佛說梵摩喻經

吳月支優婆塞支謙譯

聞如是一時佛在隨提國與五百沙門俱行
時有逝心名梵摩喻彌夷國人也年耆艾
百有二十博通衆經星宿圖書豫觀未萌一